



Universitätsbibliothek Paderborn

**Origines Benedictinae, Siue Illvstrivm Coenobiorvm Ord.
S. Benedicti, Nigrorvm Monachorvm, Per Italiam,
Hispaniam, Galliam, Germaniam, Poloniam, Belgium,
Britanniam, aliasque Prouincias. Exordia Ac ...**

Le Mire, Aubert

Coloniae Agrippinae, 1614

Praepositurae à Vedastina Abbatia dependentes.

urn:nbn:de:hbz:466:1-11261

tri ad muros urbis Gandensis auctus est.

Ad tam sanctas origines dicti monasterij accessit fama miraculorum s. Vedasti: unde natum ipsi nomen Nobiliaci. Additum & nomen *Castri*, siue ob ædes, quas in eo Theodericus alijque Reges ac Principes habuerunt, siue ob munitiones ac propugnacula quibus cœnobium olim cœptum fuit, aduersus Hunnorum, Danorum, Normannorum & aliorum barbarorum incursiones.

Nobiliaci.

Præposituræ à Vedastina Abbatia dependentes.

AVedastina Abbatia dependent octo Præposituræ, quæ per monachos illius loci administrantur. Prima est *Angicurtiensis* siue *Agilcurij*, sita in diœcesi siluanectesi se-
ptimo plus minus lapide à Lutetia Parisiorū, quæ Vedastinis accessit beneficio Glotildis viduæ Regis Clodouæ.

Angicurtiensis.

Secunda est *Maniliensis*, altero à Pero-
na lapide sita. & altero à ræpolmis intra
terminos regni Franciæ, ut & *Angicurti-*
ensis.

Maniliensis

Tertia *Salliacensis* siue de salliano dicitur, in
confinibus Artesiæ & Flandriæ.

Salliacensis.

Quarta est s. *Michaëlis*, in suburbio urbis
Atrebatenſis Henrico primo Abbe Vedasti-
no excitata.

s. Michaëlis

Quinta est s. *Petri de Gorrea*, quæ distat uno
lapide à Bethunia Artesiæ opido.

s. Petri de Gorrea.

sexta s. *Saluatoris* ceu s. *Trinitatis* *Berclo-*
ensis medio milliari à *bassea*, tribus verò mil-
liaribus à *Lensio Artesiae* opido sita. *Monaste-*
rio accessit liberalitate *Leduini*, qui postea
*factus est monachus ac demum Abbas *Veda-**
stinus. De quo ita *chronograpus Cameracensis* in *chronico* nondum typis edito. *Eft*
*vicus ex rebus sancti *Vedasti*, nomine *Berclaus*, in*
paludibus quidem situs, pascuis tamen aptus, om-
ninoq; etiam monachorum vñi oportunus. Illic
*ergò *Leduinus Abbas s. Vedasti*, considerata*
rei oportunitate, monasterium fundare dis-
posuit, si quidem ei Episcopalis auctoritas
adspiraret: quippe dupli vñi satis compe-
tenter prouiso, quod inibi videlicet partem
*ex monachis, qui ad coenobium s. *Vedasti**
frequentiores confluxerant, delegaret, & bo-
na Ecclesiae circumiacentia tutius possideren-
tur. Itaque Dominum Gerardum I. Episco-
pum in conuentu synodali conueniendum
existimauit, suæque deliberationis effectum
coram omni synodo postulauit. Cuius aucto-
*ritate nec difficile imperatru fuit. Monasteri-*um ergò ædificare festinat, consummatumq;**
ab ipso Domino Episcopo consecrari obti-
nuit. Loci autem vocabulum Episcopus im-
*mutauit, & cellam sancti *Saluatoris* statuit*
nominari. Rom. Hactenus ille.

Hasprensis.

Septima est Præpositura *Hasprensis*; *SS.*
Hugonis & Aichadri honori dedicata, me-
dio itinere inter Valencanas & Cameracum,
ad salem vulgo Sel fluuiolum, qui ibidem in

scal-

Scaldium sese exonerat, amœno loco sita.

Accessit ea quoque Vedastinis, studio eiusdem Lebuini Abbatis, cum antea à Gemetico dioecesis Rotomagensis monasterio dederet. Rem totam sic exprimit Iacobus Guisianus.

Pipinus Maior domus Austrasiorum, victo Theoderico Galliarum Rege, fundauit cœnobitis benedictinis, Gemetico celebri dioecesis Rotomagensis monasterio, euocatis. Porro anno Christi millesimo vicesimo quarto, Gerardus, eo nomine primo, Cameracensi Episcopo, procurate, facta est permutatio inter Vedastinum ac Gemeticense monasteria, Vedastinis Anglicuriam, in dioecesi sellouacensem sitam, in usum Gemeticensium; Gemeticensibus vero Haspram in usum Vedastinorum cedentibus. Ita Iacobus Guisianus in manuscriptis Hannoniae Chronicis. De his rebus fusiùs Chronographus Cameracensis: Quo tempore (inquit) Normanni, maximè quidem Roltyranno intentore, per hoc regnum, ut per alia, desæuierunt, & culpis Christianoru[m] exigentibus Ecclesiæ sanctorum passim combusserunt, tātē formidinis tempestate, corpora sanctorum, Aicadri videlicet atque Hugonis, de Gemigo cœnobio, quod super fluvium sequanam, non procul ab urbe Rotomago situm est, ad villam Hasprum, quæ ab urbe nostra non plus quam decem millibus disparatur, allata sunt. Quam villam utrum ab antea possessam subiacuisse prælibato monasterio, an tuac-

Haspris qui-
escunt s.

Aicadrius

abbas Ge-

meticensiū

& S. Hugo

Episcopus

Roma-

gensium.

Gemetiu[m]

hodie Iu-

miege mo-

nasterium

est Benedi-

ct norum;

quarto mil-

liaria Ro-

tomago.

Libr. 2.

temporis aut à Rege, aut à quolibet Principe pro remedio animæ receptioni sanctorum traditam fuisse dicamus, incertum est. Ex his certè beatus Aicadrus à sancto Philiberto eiusdem coenobij Abbe probatissimo, Abbas etiam constitutus, regimen sacrum agebat, vitæque moribus, & virtutum conuersatione fulgebat. Ad cuius piam conuersationem sanctus vir Domini Hugo Rotomagenensis Episcopus, Carlomanni Regis filius, diuina inspiratione succensus, relictis siquidem Episcopatus habenis, curisque secularibus abdicatis, disciplinam monachorum, & habitum extoto desiderio appetiuit, sacrisq; magistri moribus informatus, omni virtutum genere perfectus, emicuit. Ambo autem qui & quales extiterint, eorum vitas legendibus evidenter occurrit. His nimirum apud hanc villam post hac * remeantibus, monasterio facto monachis delegatis, ad laudem eorum pius & misericors D E V S multa, imò & creberrima virtutum prodigia dignatus est operari, in tantum sanè, vt nemo ex vicinis potentibus, aut in expeditione aliquando transeuntibus, vllā præsumptionem ante hac audeat irrogare. Sed quia monachorum Abbas longè aberat, eosq; rarissimè pro difficultate longinquitatis visitare solebat, in libertate soluti seculū sectabantur, irregulariterq; viuentes, vsq; ad tempus Gerardi Episcopi, utpote absq; rectore, periclitabantur. Quod vidēs Episcopus, Ab-

* Foris remanentibus.

Gerardus
1. Episcopus
Cameracensis.

batem, ut hoc corrigeret, s^æpē commōnuit: sed quia, ut diximus, longē aberat correctio-
nem morabatur. Cōtigit aut̄ Episcopum, pro
Ecclesiastica sollicitudine, forte per hanc
villam transitum facere, & Abbatī Leduino
(comes enim erat itineris) obscenam mona-
chorum conuersationem indicare. Salubri
etiam, imd^o competenti consilio hortatus, ut
si quas res sancti Vedasti in vicinia prælibati
monasterij haberet, eas siquidem pro hoc mo-
nasterio, quod sibi esset contiguum, cōmuta-
ret, huncque locum pro compendio æternæ
remunerationis meliorare satageret. Qui in-
ter huiusmodi colloquia incertò h^{ab}ebit, & ta-
men, ac si difficile, recusauit. Nec multò post
temporis interuallo, Abbas salubriter cōsul-
tus, benē & diligenter considerata oportuni-
tate, notum fecit Episcopo, se executorem fo-
re monitionis, si ab ipso Abbatē Theoderico
commutationem impetrare valeret. Vn-
de lātus Episcopus continuò directā legati-
one Abbatem Theodericum adorsus est, mō-
strans animæ periculum, si non in tempore
sibi consuleret. Cum longē esset positus lo-
cum commutare deberet; quod si noller, ad-
iuncto sibi Balduino Marchione, falsos mo-
nachos expelleret, locumque emendare
cum omni auctoritate satageret. Super quod
Abbas competenti consilio vsus, mandatis
Episcopi satisfacere æstimauit, rebusque
sancti Vedasti, quæ in sua vicinia circumia-
cent, susceptis, villam Hasprum Leduino Ab-

Leduinus
Abbas mo-
nasterij S.
Vedasti.

Baldwinus
Fland. Co-
mes &
Marchio.

bati contradidit. Hæc autem commutatio coram Roberto Rege Francorum, coramque Comitibus, Balduino videlicet Flandrensis, & Richardo Rotomagensium facta est, & ab eisdem corroborata. Abbas itaque Leduinus, ut ædificator videlicet idoneus, locum cum summo studio ad laudem & veneracionem sanctorum, qui ibidem quiescunt, emendauit, nouisque ædificiis & clauistro regulari insignire exercevit. Hactenus ex Chronica Cameracensi.

Octaua est præpositura S. Chrystine de Beueria, qui pagus est vno milliaria à Bethunia Arthesia opido distans. Fuit ea olim annexa monasterio s. saluatoris Caroffensis in diœcesi Putauensi; quam inito contractu cum Caroffensibus & à sede Apostolica approbato Ioannes Saracenus tunc Abbas Vedastinus & postea Archiepiscopus Cameracensis, anno Christi 1587. cum Abbatia Vedastina vniuit & amplis ædificiis instruendam curauit.

Atq; hæc quidē, quæ de Vedastina Abbatia hactenus diximus, ad nos transmittenda curauit Reuerendus admodum atque Amplissimus D. Philippus Cauerellus Abbas Vedastinus anno 1611. mense Aprili,

*Chronographi Cameracensis, qui anno 1040.
floruit, testimonium de S. Vedasto.*

Dum tyrannicarabes in Christi Ecclesiā desauiret, fuit ciuitas Atrebatus sine Princeps

cipe